

HANGNO NGAN RAI ?



*This book is published with the financial assistance from the
Arts & Culture Deptt, of Meghalaya.*

P.F.S. SOHKHLET

2010

Acc. No. 1273/11/RB

Class No. _____ Book No. _____

Author Schubert P.F.S.

Title Wangno nga lei?

Acc. No. 1273/4/RB

DISTRICT LIBRARY

GOVERNMENT OF MEGHALAYA

RI - BHOI

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-eared the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*

Help to keep this book fresh & clean



HANGNO NGAN RAI ?

*Ia kane ka khana, lem bad ki jaka ki
tyngshop ki puron ym shym la mutdur ban
pynsniew iano iano. Hynrei kiei kiei baroh ki ba
jia ha kane ka khana kidei kiba la shu mutdur hi
da u nongthoh.*

DA

U P.F.S. SOHKHLET

BYNTA – I

U Ricky u dei u khun balai jong I Kong Hun Wanniang bad jong I Bah Kynthup Majaw. Ka shnong U Ricky ka don sha ki thairi Sohra. Watla ka long ka shnong kaba dang long nongkyndong hynrei ka long pat ka shnong kaba pawnam ha ka jingitynnad ki lum ki wah, ki lynti iaid kjat, ki jaka bam lyer bad kalong ruh ka shnong kaba khring ia ki nongshang pyrthei. Kadei ka shnong ha kaba u slap bad ka lyer ki iaid katba mon ha ka por lyiur. U Ricky naduh ba u dang khynnah u long uba smat ba sting ha la ki jong ki kam bad ki kmie ki kpa, u long ruh u khynnah uba minot iala ka jingpule bad teng teng ban pynbyngia ialade u ju ialehkai bad kiwei pat ki khynnah kum ka phutbol (Football), kriket (cricket). Ki kmie ki kpa ki ieit bad sngewtynnad ia u namar ba u long u khynnah uba minot bad uba tipsngi bad ruh ba u dei u khun shynrang marwei. Ila ka por ba u dang khynnah u leit skul ha shnong lajong, u ju sngewtynnad ban leitkai sha lum sha wah ryngkat bad ki kmie ki kpa lem bad ka hynmen nyngkong jong u. ha ka por ba u ioh shuti u ju pynkut ia ka por ha kaba u leit bylla manla ka sngi kum ka bahnong ka kitnong bad ka leit bri leit lyngkha bad teng teng u ju leit kai sha Shillong bad ki kmie ki kpa namar ba ka hynmen ba ar jong u ka leit klas (class) ha Shillong College. U Ricky ruh katba nangiaid ki por u la nangheh nangsang ha ka rta haduh ba u la poi Class-IV bad dei ruh ba u hap ban ialeh ia ka Exam Kutsnem (Final year). Hadien ba ka Exam kala kut ym slem ruh ka result kala mih. Bad dei ha kane ka snem ba u Ricky u dap da ka jingkmien halade namar ba u la ioh ban kheit ia u soh ka jingtrei shitom bad ruh ba u la leh kham bha ha ki subject baroh, dei kane ka lad kaba ai jingkyrmen ia u bad ia ki kmie ki kpa ba u dei ban leit skul noh sha Shillong. Haba u Ricky u la ioh ia ka Report Card ne marksheet nala skul, u la pynbiang nadong shadong ia ki jingdonkam na ka bynta ka jingleit skul sha Shillong ym slem ruh u la ioh jingtip ba u la ioh skul da ka jingiarap ka hynmen baar jong u kaba don sha Shillong.

Ki sngi ki bnai ki iaïd ter shi ter. Ym slem ruh u Ricky u la pynkhreh ialade ban leit sdang (joint) ia ka klass ba thymmai jong u. Shuwa ba un mih nala ïng ki kmie ki kpa kila sneng la kraw ia u ba u dei ban iaïd ha ka akor ka burom haba u don ha ri nongwei jngai nala ïng bad ruh ba u dei ban minot bha ba un ioh ban kiew na u wei u snem sha u wei pat. Ha ka sngi kaba bud u Ricky bad ka hynmen jong u kila mih nala shnong bad kida kitbok iala ki kmie ki kpa lem ia ka hynmen nyngkong Ka Risha ba kin imsuk imsaïñ bad ba kin ioh ia kamet kaba koit kaba khiah.

Hadien ba u Ricky bad ka hynmen baar jong u Ka Aiti kila iasah wai la ka jong ka ïng, katno ki dap da ka jingsngew nongwei haba ki don jngai nala ïng. Dei ha ka por ba u Ricky u la shong Class-VII, ka Aiti ruh kala nangiaïd ialade sha khmat ha kaba kahap ban ialeh ia ka Selection jong ka B.A IInd year. Haba u la don sha Shillong bad la ka hynmen, ka jabieng jong u ruh kala kham proh ha ka jingnang jingstad bad ka ryenieng ryniot jong u kala nangheh nangsang suki suki na kawei ka por sha kawei pat. Bad dei ruh da ka jingminot, u Ricky manla u snem u ioh ban mad ia ka jingjop tad haduh ba un da poi ha ka Class-X. Dei ha kane ka por ruh ba u la sdang sngewthuh ia ka jingkordor jong ka jingnang jingstad ha ka jingim jong u Manla u snem haba u ioh shuti u ju pynlut ia ka por sha shnong ban iarap kam ia ki kmie ki kpa, u long ruh u khynnah uba kheïñkor ia ka kam kaba u trei namar ba um ju lehraiñ ban bylla ne kitnong. U long ruh u khynnah u bym da nang da stad kum kiwei ki khynnah hynrei namar ba u trei shitom kumta u ioh iala ka bainong kaba u minot. Bad dei ruh ha kane ka por ba u la dep ialeh ia Ka SSLC (matric), kumta baroh arbnai laïbnai u sah beit sha shnong bad haba u don sha shnong kumba long ha kipor ba u dang khynnah u ju sngewtynnad ban pynleit jingmut tang ha ka Football bad Cricket. Ym slem ki sngi ki snem ki iai tyllun, u Ricky ruh u la kynjoh shaduh ka khatphra (18) snem. Dei ha kane ka por ba u Ricky u la sngewkhlaïñ ki jingmut jingpyrkhat halade, u la sdang ban jam sha kawei ka lynti ha kaba u tip ba ki kmie ki kpa lem bad ka hynmen

jong u kim sngewtynnad ia ka lynti kaba u jied. Nalor ka jingieit ia ki kmie ki kpa, ki hynmen bad ruh ia ki paralok, u la sdang sa ia ka jingieit samla. Bad dei kane ka kam bad ka lynti ba u jied kaban sa pynsgewsih ia ki kmie ki kpa bad ia ki hynmen jong u namar ba u dang dei ka por ba un pynleit jjingmut ha ki jingpule. Watla u don ka jingartatien halade ba iohlehse kumno re kumno kin tip, hynrei u rai kut ba un iaidda ka lynti ka ba beitt bad kano kano ka Samla kaba u jied. Dei kane ka jingsngewskhem jingmut halade kaba la pynlong ia u ba un iaidda hala ka mon lajong.

Katba ki sngi ki iaidda stet na ka por sha kawei pat, u Ricky ruh u la nang kham sngewkhlaidda hala ka jong ka jingmut namar ba u la iapmat palat haduh katta katta ia Ka Diana ka parashnong jong u hi. Hynrei u don pat ka jingsngewlehraidda halade ioh kam treh lada u tyrwa. Kumta, khatduh u la rai kut hala marwei ba kum u rangtyrwa u hap ban pyndep iala ka kamram la ka long ka jingioh kaba bha ne ba sniew ruh kam lei lei. Teng teng ki jingmut jingpyrkhat ki her sha ka haba u tip ba ka Diana kalong ka khynnah kynthei kaba tipsngi na ki san ngut shipara bad ka long ruh ka hynmen nyngkong na ki kynthei. Ka ing jong ka, ka long ka ing kaba don ba em bad baioh bakot, bunsien u ju pyrkhat halade ba u sngewsalia ban iaiaidda iaieng bad kiba riwespah. Hynrei long lehnohei ki jingpyrkhat jong u haba ka mynsiem ka sahnud, ka iai kyndeh bad iai ialeh ban ioh ban pynlong ia ka kum ka hima ha ka jingsynshar u Syiem. Ha kawei ka sngi ba dei artad ka sngi Sunday por janmiett, u Ricky u la thawlad kumno ba un ioh ban kren ia ka Diana bad ban pynpaw ha ka ia ki kyntien jingieit kiba ma ka ka lah ne em ban pdiang ia u. Haba u la ia kynduh ia ka Diana bad ruh katba baroh arngut ki dang ia bun ktien, ka por ia ka Diana ruh kala dei ban leit noh sha ing namar bala kem iongreiff. Kumta u Ricky u la ong ba kan ap shiphang ia u, ka ruh kala ap ia u bad kada kylli ia u ba u donkam aiu.

“Diana nga don ei ei ban ong iaphi, hato kalong ne em ba ngan pynpaw haphi ne ioh phi dom pynban ianga haba nga ai iaphi ka khubor babha?” U da pynbang ia ka. “Ricky kaei kaba phi don

ban ong? lathuh ha nga ia ki jingeh jongphi, nga ruh kum ka paralok nga kloï ban iarap iaphi.”

Pynphai ktien ka Diana.

“Kam dei ka jingeh ka jong nga, kadei ka jongphi.”

Talaiñ u Ricky.

“Peit shane Diana nga kwah ban ong iaphi bala slem nga la don jingmut iaphi hynrei nga la shu set tang halade. Pynban mynta ngam banse ban pynpaw markhmat haphi bad nga ngeit ba ka jingiaieit paralok jong nga bad phi kan long noh da kawei pat ka lynti jong ka jingieit”

Ka Diana kumba pom pyrthat rkhiang namar ba ka khlem poi pyrkhat ba u Ricky u paralok bajan jong ka u don jingmut shisha iaka. “Sngewbha map Ricky ngam lah ban ai ia ka jubab kaba bha ne kaba sniew mynta kumne, hynrei ka shimpur kumba katto katne sngi.” U Ricky u tang shu iohsngew ia ki kyntien ba mih na ka, u da pyn kynmaw artad iaka ba dei ka jingeh ka jong ka ym ka jong u bad ruh uda ai mynsiem ia ka ba kan pyrkhat jylliew ban lait na kita ki jingeh. Kumta baroh arngut kila ia khlad noh la ka jong ka lynti sha ñng.

Ki jingialeh ha ka jingim jong ka Diana ki wan bad ki iai pynkynmaw ia ka ba kumno kan ai ia ka jubab sha u Ricky. Kum ka kynthei briew Ka Diana kalong ka briew ha kaba na ñng jong ka ki ju sngewtynnad tang ia ka namar ka nang kumno ban peit bad synshar ia ki para bad ruh ia ka ñng ka sem. Watla na ñng ka biang ha ka liang ka spah ka phew hynrei ka spah kam lah ban pynkylla ia ki jingmut jong ka lane ia ka dur jong ka. Kumta kala rai kut ba kan pdiang hun mynsiem ia u Ricky watla u long u khynnah u bym da biang na ñng ha ka liang ka spah. Hynrei kaba shem jingeh pat iaka kalong ba kumno kan ai ia ka jubab sha u Ricky namar ba ka sngewlehraifñ ban shu thoh da ka shithi artat ruh kan dei ka sien ba nyngkong iaka, khatduh kala rai la ka rai ba kan shu thoh da ka shithi sha u.

BYNTA - 2

Shi taiew u Ricky u la ap ia ka jubab na ka, hynrei um pat ioh ia kaba u ap khmih lynti bad bunsien ruh u ju phohsniew shaphang jong ka. Teng teng u ju kylli halade, “kaei mo ka daw ba ka Diana kam lah ban ai ia ka jubab sha u bad ruh u ju pyrkhat klumar imat ba ka isih ia u ne ka la donlad shawei ba kam lah ba ai ia ka jubab sha u. Hynrei ha kawei pat ka liang u pynjem noh ialade da kaba u kyrmen ba shisien ka sngi un sa ioh naka ia ka jubab namar u tip ba ka jinglong kynthei ka bor pyrkhat ka tlot bad ka jinglehraiñ ruh ka shongkulai”. Katba u dang dem pyrkhat marwei halor jingthiah ia ka Diana, ki khmat jong u kala ring suki suki namar ba dei artad ruh ba slap bad ba ka miet ba dum tliew kala tap. Kumta ha ryngkat ka jingsahnud ia ka jubab u iohthiah noh lyngngai.

Ha ka sngi ba bud ba dei artad ruh ka sngi Good Friday jong u bnai iaiong ha kaba baroh ki paid Khristan ki ju rakhe ne kynmaw burom ia ka sngi iap u Nongpynim jong ka pyrthei. U Ricky ruh hakata ka sngi dangstep u la khie naba thiah bad u la khreh la khrum ban leit sha jingiaseng, kumjuh ka Diana kumba long u Ricky kala khie dangstep ban ioh leit sha ñngmane, ynda la wai ka jingiaseng shisien kumba kyndit ka Diana kala ia kynduh markhmat bad u Ricky ha phyllaw ñngmane. Kumta ban kren ia u ruh kam sngewlait namar ba ka khlem lah ban ai ia ka ka jubab sha u. Hynrei u Ricky haba u iohi ia ka Diana ba kadon hapteng ka jinglehraiñ, dalade u la kren la pariah iaka bad u da biria artad ia ka, ba um ju iohi shuh naduh kato ka sngi. Hynrei ha dohnud pat u kwah ban tip noh na ka Diana ba aiu ka don ban ong ne jubab sha u. Pynban long lehnohei ia u, watlada ka mynsiem bad ka dohnud jong u ka kwah dik dik ban tip, namar bym pat dei la ka sngi ban ioh ia kaba kwah. Kumta baroh arngut kila iakhlad noh la kajong kajong ka lynti.

Dei ruh ha kata ka sngi ba ka Diana kala kut jingmut ban ai jubab sha u da kaba shu thoh da ka shithi bad ba kan sa ai ha u ha ka

sngi kaba bud. Kumta ka Diana kala sdang ban thoh ia ka shithi da kaba ong kumne.

Dear,

Ricky nga ngeit ba phi shait phi khlaif kumba nga ruh nga long.

Ricky,

Kan long kaei kaei kaba sngewsih na ka bynta jong phi ha kine ki khyndiat sngi ba la leit namar nga khlem ioh ka lad kaba biang ba ngan pynpaw shaphi kumta nga ainguh ia u Blei uba la plie ia ka lad ia nga ba ngan ioh ban thoh kine ki kyntien ba lyngkot shaphi bad nga ngeit ruh ba phin ym sngeweiei ia ka jingbymioh por jong nga ban thoh ne ban jubab shaphi.

Ricky katno nga dap da ka jingkmén kaba khraw ha kawei pat ka liang, watla ngala pynslem ia ka jubab shaphi, hynrei pat nga kloi ban pynjem ia ki jingmut jingpyrkhat jong phi lyngba kane ka shithi. Nga phla ha ine i shithi ba nga kloi ban pdiang ia phi lada phi ruh phi la kloi ban jied bad ban iaineh bad nga shilynter ki sngi kiban dang wan.

Tang katne ngan pynkut noh, nga ngeit phi la sngewthuh.

From Diana Sohtun.

Ynda kala dep thoh ia ka shithi kala song bha ia ka hapoh ka envelop khnang ba kan ioh phah sha u ha ka sngi kaba bud. Ynda la poi kata ka sngi kala phah ai ia ka shithi ha ka paralok jong ka bad kada bthah ia ka ba kan ai beit tang ha u. Haba u Ricky ula ioh ia kata ka shithi ula shim bad ula rung artad sha kamra thiah ban pule ia ka. Haba u pule u shem ba ka Diana ka kloi ban pdiang ia u lada u kloi ban iaineh bad ka, katno ka long ka jingkmén kaba khraw ia u ha kata ka sngi ha kaba wat ki kmie ki kpa lem bad ka hynmen jong u ka Risha kila i lyngngoh ia ka jingleh jong u wat haba ka kmie u kpa jong u kila pyshang ban kylli bad ban tip ba na kaei ka daw u

dap da ka jingkmén, pynban u Ricky um banse ban shu thok ia ki da kaba u ong ba u dap da ka jingmen na ka daw ba u paralok jong u un khawai sngi kha ia la ki paralok baroh bad ruh u da khot sngewbha ia u ha kata ka sngi.

Ym slem ka jingieit markylliang u Ricky bad ka Diana kala nangskhem ha kaba bunsien u juleit ban ia kynduh ia ka ban pyni ne pynsngew ia ki tienieit tiensneng ba un nym kylla dien da lei lei kumjuh ruh ka Diana haba ka iashem ia u ka ju phla ha u ba kan ai ka jingieit ba pura tang ha u shilynter ka jingim jong ka bad ruh ba kan nym kylla ktien shi junom haba ka dang ieit ia u. Hadien ka jingiaieid jong u bad ka Diana kala don shibnai, ka result Matric ruh kala mih, katno u dap da ka jingkmén haba ula ioh ban jop ia ka thong jong ka jingpule lyngba ka jingtrei shitom bad ruh ka Diana tang shu tip ba u Ricky ula pass ia ka Matric katno ka dap da ka jingkmén kaba khraw haba u samla jongka ulong uba trei shitom bad ruh kum ka dak ka jingjop ka la ai Gift ia u bad ka da ai khublei ia u ba u nang iai tur shaphrang ha ki jingpule. Ha kawei pat ka liang u sngewdiaw ba u hap ban jngai na la ñng bad khamtam ba u hap ban ieh marwei ia ka Diana.

Kumba artaiew ba ula don sha Shillong hapteng ki jingpule hynrei bunsien ki jingmut jingpyrkhat jong u ki her beít tang sha ka Diana ba kumno ka long haba u don jngai na ka teng teng ruh u ju kynmaw ia ki por kiba u dang don sha shnong ha kaba u ju iohlad ban ia kynduh bad ka Diana bad ruh ia ki jaka lem bad ia ki 'tienieit ba markylliang iwei ia iwei. Hynrei kaba pynshoh bha ia ka jingmut jong u ka long ha kaba u kynmaw ia ki kyntien ai mynsiem jong ka Diana ba u dei ban tur shaphrang ha ki jingpule bad ruh ba u dei ban long u bñew uba janai ha ki lynti iaid haba u don ha ri nongwei. Haba u Ricky u don jngai na ka hynrei ha kawei pat ka liang u sngew kumba u don hajan jong ka namar bunsien ka ju thoh shithi sha u da ki 'tienieit 'tienthiang bad u ruh kumjuh u ju thoh shithi kylliang sha ka ba kan nym sngew tñang ne sngewkynjah haba u don jngai na ka

bad dei ka lad thoh ne phah shithi kyliang iwei ia iwei kaba la pynlong ia ki ba kin sngew kumba ki don ha syndah.

Hadien ba u Ricky bad ka Hynmen jong u kila pynlut ia ka jingpule ha Shillong katno ka Aiti ka hynmen jong u ka sngewsuk bad sngewhun mynsiem haba ka iohi ba u para la jong watla u long u shynrang hynrei ulong pat uba phikir ialade ha ka shang makia, ka iaaid miet ka iaaid iong bad u long ruh uba smat ba sting ha kaba u ju iarap kam iala ka jong ka hynmen. Dei kane ka jinglong jong u ha kaba baroh ki para marjan lem bad ka hynmen jong u ki ju sngewtynnad bad shaniah bha ia u ha kino kino ki jait kam namar ba um long kum kiwei pat ki khynnah kiba im ha sor hapsedeng ka buaid tanglang ka iaaid miet bad pynhuri hura. Hadien katto katne bnai ba u la dep ialeh ia ka Exam katno u sngew kmen halade haba ula tikna ba u la leh bha ha ka Exam. Ym slem hadien ba ka Exam ka la dep bad ruh ka result kala mih. U Ricky u kwah ban leit kai sha shnong ban iathuh ha ki kmie ki kpa ha ka Risha bad ka Diana ba ula jop ia ka thong jong ka jingialeh ha ka jingpule. Kumta hakawei ka sngi ula pynpaw hala ka hynmen ba u kwah ban leit kai sha shnong namar ba u dang ioh shuti.

Hadien katto katne sngi ba u la sah sha shnong kumta ula thoh shithi sha ka Diana bad ula iathuh ia ka ba u don sha shnong bad ba u kwah ruh ban ia kynduh ia ka. Katno ka mynsiem ka Diana ka dap da ka jingkmien haba ka tip ba u Ricky u don sha shnong bad ruh ba u kwah ban ia kynduh ia ka. Ynda la poi kata ka sngi ka Diana ka la leit ban ia kynduh ia u Ricky bad mar syn iohi ia ka dur khmat jong u ka dap da ka jingkmien ka bym lah ban batai bad i kumba ki jing sngewsih bad khuslai ki jah noh na ka dur khmat jong ka ha kata ka khyllipmat. Dei hangne ruh ka Diana ka la iai pynpaw ha u ba kam lah ban klet noh ia u tang shiteng por bad ruh ba ka sngewtmang sngew kynjah haba udon jngai na ka bad ka smai ruh ba kan nym kylla ktien da lei lei ruh em hynrei ba kan teh song ia ka jingieit ba pura kumba kala pdiang ia ki jingtyrwa, u Ricky ruh ula

phla ba un nym klet noh ne ieh noh tang shipor hynrei ba un iaineh bad ka haduh ba kut bad ruh u pynpaw ba u hap ban jngai na ka namar u dang don hapteng ka jingialeh, u ai mynsiem ruh ia ka wat lada mynta ka sngew kynjah haba u don jngai hynrei shisien khlem poi pyrkhat kan sa dap da ka jingkmnen lada u don hajan jong ka. Baroh arngut hangta la ki juban ka jingieit ki la teh song bad ruh ki kyrmen ba yn ym don mano mano ba lah ban law ia u kynjri jong ki lynda ma ki hi kin tyrwa sha kiwei.

BYNTA - 3

Katba ki por ki kylla bad ki aiom ki tyllun ka jingieit iwei ia iwei ruh ka la nang skhem na kawei ka por sha kawei pat haduh ba la dap shisnem tam. Ha kawei ka sngi u Ricky ula iawer ia ka Diana ba kan leit kai bad u ha ka concert bala pynlong da kawei ka Shnong ba markhap ba ki nongtem nongput hakata ka concert kidei ki khasi, ki nongrwei ba pawnam ka Meghalaya (local band), kumta ka Diana namar ha ing kimda ailad than ia ka ba kan shang kylleng kylleng ka la ong ha u ba kam lah ban ia don bynta ryngkat bad u ha kata ka concert. Ynda la poi kata ka sngi u Ricky um sngewkwah leit ha kata ka concert haba ka Diana kam lah ban don lang bad u, hynrei pat um banse ban pynhun ia ki paralok. Ha ryngkat ki paralok khlem da don lang ma ka ula poi ha kata ka concert. Katno udap da ka jingkmnen bad jingsngew muja haba u iohi iala ki paralok ba ki ia shad ia kmnen. Hynrei kaba sngewsih ia u ka long ba ka Diana kam lah ban don lang bad u ha kata ka miet namar haba u peit bad pynshat ia la ki jong ki khmat u iohi ba bun ha kata ka concert ki wanlang shijur shijur katba ma u pat u wan lang tang bad ki paralok. Katba u dang pyrkhat khia mynsiem ialade hangta bad katba u dang peit lorni ia kita kiba ia shad ia kmnen ha kata ka concert kynsan kynsan la wan i wei i thei bad ila ong ia u “Bah balei phi i leh sngewsih kumne marwei bad iano phi ap.”

“Nga sngewthait bad sngew jrem ka met ba ngan shad bad ki paralok kumta nga ap ia ki hangne,” Jubab thok u Ricky.

Haba ki sur jingtem bad jingrwai ha kata ka concert kila iaid sa da ki Love Song bad Romantic Song dei ruh ha kane ka por ki shijur ki sdang ban ia snoh kti lang ha kita ki Sur jingrwai. I ta i thei i la ong ia u Ricky ba un sngewbha ban ia snoh kti lang bad i ryngkat kita ki sur jingrwai. U Ricky u tang shu iohsngew ia kita ki kyntien na ita i thei ula pynch ialade bad ba um kwah shuh ban shad namar ba u sngewthait, ita i thei ruh ila iai ban ktien da kaba i ong

“Bah! balei phi tieng ne ban ia shad bad nga, ne na kaei ka daw”. U Ricky ruh ula jubab, “Ngam tieng ia phi hynrei ka met kam ailad ia nga ban leh kumta.”

“I wanna dance with you tonight if you are please,” kyrpad rit ita i thei da ka ktien phareng.

U Ricky um banse ia ki jingpynbor jong i kumta u la ong ia i.

“Let’s dance.”

Kumta baroh arngut u Ricky bad ita i thei kila ia snoh kti lang thik kum kiba la ia ithuh bha la slem. Katba ki dang ia shad sngewbha kumne baroh arngut ita i thei ila kylli ia ka kyrteng jong u bad ruh i da kylli bniah la u la don briew ne em. U Ricky ruh ula jubab hok ba ka kyrteng jong u ka dei u Ricky Wanniang bad uda iathuh ruh ba um pat don briew hynrei u dang don tang ka samla ba u ia lang. u Ricky ruh ula kylli ia ka kyrteng ita i thei.

Ita i thei ruh ila jubab ba ka kyrteng jong i i dei i Lasiewdor Sun bad ida phla ba i dang long marwei haduh mynta.

Katba baroh arngut ki dang ia bun ktien ryngkat ka jingshad ki paralok u Ricky ki la khot ia u ban ia leit noh namar ka por ka la dap 12.30 a.m. Kumta u Ricky ula pyllait noh ia la ki jong ki kti kiba u bat ia ka Lasiewdor bad ong ia i ba un sa ia kynduh ha kawei ka por.

Ym slem haba u Ricky ula sah sha shnong ka por kala dei ia u ba un leit sha Shillong. Bad ha shuwa ba un leit barabor u ju iohlad ban ia kynduh ia ka Diana hynrei sniewbok ha kata ka sngi namar ba u slap ba jur u wan bad ka lyer ruh ka lynshop naphang. Kumta um iohlad ban ia kynduh ia ka, dei tad haduh ka por 11.30 p.m ba u slap ka lyer kila sdang jai jai bad ruh u Ricky ula rai halade ba un shu thoh da ka shithi sha ka Diana watla um iohlad ban ia kynduh. Ha ka step ka ba bud u Ricky ula mih na la ing ban leit noh sha Shillong bad uda ai ruh ia kata ka shithi ha ka paralok jong ka Diana bad u da ong ia ka ba kan sngewbha ban pynai lem ha ka Diana. Hadien katto katne sngi ka shithi sha ka Diana kala poi bad mar synplie ia ka katno ka kmen halade ba u Ricky u kloï ban iaineh bad ka haduh ba kut hynrei kaba pyndiaw ia ka ka long ba kam shym lah ban iashem bad u ha shuwa ba un leit.

Haba u Ricky u don sha Shillong bad la ka hynmen jong u ka Aiti. Na kawei ka por sha kawei bad na uwei u snem sha uwei pat. U Ricky ula nangiaikiew stet ha ki jingpule tad haduh ba u hap ban ialeh ia ka B.A. final year bad ka hynmen jong u ruh ka la ioh kam. Katno ka long ka jingsuk ia u Ricky haba ka hynmen jong u ka la ioh kam bad ula kham sting khyndiat ialade namar ula iohlad khyndiat ban pynlang pisa na ka bynta ialade haba u ioh bai bylla bnai na ka dukan ba u trei mynsngi namar ba u leit klas mynstep. I la kawei pat ka liang u sngewkmen shi katdei haba ka Aiti ka hynmen jong u ka lalah ban pynbiang ia ka ing ka sem namar ba u kpa bad ka kmie kila kham tymmen bad ruh ka Risha ka hynmen nyngkong jong u kala ioh lok da u briew uba biang uba kloï ban peit ia ka bri ka khyndew jong ki. Hala marwei u Ricky u ju mutdur bad pyrkhat ba lano pat kan poi ka por ia u ba un nang pynbiang shuh shuh ha ing kur katba um pat don briew, teng teng ruh u ju kynmaw ia ka Diana ba kumno ka long namar la jan dap snem um ju iohi shuh ia ka bad u kyrmen halade ba ka dang icid ia u bad ka don hapteng ka jingkoit jingkhiah.

Haba ula dep ialeh ia ka Final Year jong ka Bachelor of Arts bad ruh ba ka result jong u ka la mih. Dei lyngba ka jingtrei shitom na uwei u snem sha u wei pat u ioh ban kheit ia u soh ka jingjop. Ym slem ruh ba u laioh ban kheit ia ka jingjop ula ioh kam ha kawei ka ophis sorkar lyngba ka jingiarap u Mama jong u bad da ka jingkmen u la pyntip sha la ki kmie ki kpa bad sha ka Risha ba ula ioh kam lyngba ka jingiarap i Maduh. Hadien kumba shi bnai ar bnai ba u la leit trei, ka hynmen ba ar jong u ka Aiti kala ioh briew bad kala pynithuh iala u jong u lok ba u Ricky u dei u para khatduh jong ka bad kala kular ba kan ialam kai ia u sha shnong badon ki kmie ki kpa. Bunsien u Ricky u ju leit kai sha ñng ka Aiti namar ba kala sah la ka jong ka ñng bad man ka sngi um ju pep ban leit sha jingtrei, dei kane ka jingkheñ kor jong u ia la ka kam kaba la pynlong ia u Officer incharge bad ia u Assistant Engineer ba kin sngewtynnad bad shaniah ia kino kino ki kam ha u, bun ruh na ki para ba iatrei ki ju sngewtynnad ia u namar u long u briew u bym ju mad ia ka kiad bad u long ruh u briew uba dathew ia ka ktien ka thylliej haba u kren iano iano.

BYNTA – 4

Wat la u don hapdeng ka kam kaba u trei hynrei um ju klet pat ban thoh shithi sha ka Diana. Ka Diana ruh ka dap da ka jingkmen haba ka tip ba u Ricky ula ioh kam bad bunsien u ju thoh shithi ia ka ba ha kawei ka sngi u kloï ba shimti lada ka kloï ban bat ia ki kular kiba u ju pynpaw. Dei kane ka jingioh lad ban thoh shithi ba ka Diana ka kloï ban ap beit tang ia u bad ruh ka sngew kumba ki jingsngew kynjah bad khuslai ki jah noh na ka haba ka ju ioh shithi na u, hynrei watla baroh arngut ki ia ieit bha la kumba sansnem tam, kim pat nud ban iathuh hala ki kmie ki kpa shaphang ka jingiadei jong ki. Ki sngi ki por ki iaïd stet khlem poi pyrkhat u Ricky ruh hala marwei ula rai kut ba u nym pep trei than khnang ba un suk lada u shim C.L. Haba u don ha jingtrei u ju sngewtynnad ban iadei paralok

tang bad ka Riti ka khynnah samla bad u kynmaw ruh ba ha ka por ba u sdang ban trei ha kata ka office dei ka Riti ka ba ju iarap ia u ban pynbiang nadong shadong bad dei maka napdeng ki para nongtrei kiba kham pariah bha ha ka por ba u dang rung kam nyngkong ha kata ka ophis. Kumne ka jingia sngewtynnad u Ricky bad ka Riti ka la nang skhem nang skhem tad haduh ki para nongtrei lang ki ong ba u Ricky u ia ia id bad ka. Shisien ha kawei ka sngi badei artad ka por tlang u Assistant Engineer ula leit rung man la ki kamra ophis bad haba u iohi ba ka kamra ba trei u Ricky kadei ka kamra napdeng ki kamra ophis kaba khuid bad u long ruh uba kloi ban pyndep ia kino kino ki kam ba kyrkieh. U officer hamar kata ka por u la wan rung lang ha ka ta ka kamra bad u la ong ia baroh kiba don ha kata ka kamra ba un khawai sngewbha ha kawei ka Hotel ha ka sngi kaba bud naduh ka por wai ophis kumba 4.00 p.m janmiet bad ruh u da kyrpad ba baroh kim dei ban pep hynrei ki dei ban present lang ha kata ka janmiet naduh ka por 4.00 p.m. Khatduh uta u Officer ryngkat u Asistant Engineer shuwa ba kin leit kila kyrpad ia u Ricky bad ia ka Riti napdeng ki shynrang bad ki kynthei ba ki dei ban poi kham kloi ia baroh ha kata ka Hotel.

Ka jingdum kala tap bad ka jingkynjah jong kata ka miet kala kynoi ia u Ricky hapdeng ki jingphohsniew shaphang ka Diana. U syiar nyngkong ula riew bad pynbud sa uba ar bad dei ba u Ricky u ju mlien ban khie bad ban leh Exercise shuwa ban bam ban dih kumta ruh ha kata ka step u Ricky ula khie bad pyndep ia ki kamram kiba u ju leh manla ka step bad haduh ban da poi ka por 7.00 a.m. u sa sdang ban bam ban dih ban shet ban tiew khnang ban ioh leit kloi sha ophis. Hakane ka sngi u Ricky ula leh style bha ialade da kaba u phong da ka coat rong iong patlun iong ka sopti poh rong jngum, ha shuwa un mih na ing u la polish bha ia ki juti bad u da synreit da ka dawai pynsma iewbih iala ka met bad ynda ula dep nadong shadong ula khang ia ka ing bad ula mih noh ban poi kham kloi sha ophis. Ynda haba ula poi ha ophis ki para nongtrei katno ki

itynnad haba ki iohi ba u Ricky u riam style bha ha kata ka sngi khamtam lei ka Riti kala ishoh bha ia kata ka riam ka beit jong u kaba ia ryngkat bad ka ktien ka thylliej jong u bad ka akor ka burom ruh. Ha ophis u ialeh katba lah ban pyndep iala ki kam ryngkat bad ka Riti lem bad u Pynshai uba iatreilang. Hadien katto katne por um poi da sngew ka por ka la jan dap 4.00 p.m kumta ula ong ia ka Riti ba kan ia mih noh kham kloï ba ioh u Boss u dom lada ngi poi slem. “U Boss aïu uta?” Kylli ka Riti, “I Bahdeng keiñ iba dei i officer jong ngi, nga shait khot Boss ia i.”

“Wa phi te phi da nang bha ban sin briew,” pynrem ka Riti ia u Ricky.

“Nga te ba nga shait mlien hi ban sin briew ia kiba nga sngewtynnad”. pynphai ktien u Ricky.

“Te haba ia nga pat phi sngewtynnad! Balei phim sin.” kylli ka Riti.

“Ngan saynda la dei ka por” Ban ktien u Ricky.

Hadien bala kut kita ki kyntien biria baroh arngut u Ricky bad ka Riti kila ia mih na ophis ban poi kloï sha Hotel. Mar synpoi ha Hotel u Boss ula pdiang sngewbha ia ki baroh arngut. Mar kumta hi u Boss u la order arpek Ka Signature bad ula ai ia u Ricky, U Ricky pat namar naduh dangrit haduh ba un da heh um ju mad ia kino kino ki jait jingdih kumta ula kyntait ia kata ka jingdih bad u da ong ruh ba um treh dih ia ka namar um pat ju mlien.

“Balei phi kren kumta?” Kylli u Boss.

“Hato phim long seh ban pynhun ia nga haba nga la khot sngewbha ia phi hangne.” ban ktien biang u Boss.

“Nga wan hangne khnang ban pynhun ia phi Sir hynrei ngam kwah ba ngan mad ia kane.” Ong u Ricky.

“Haba phi wan ban pynhun ia nga phi dei ruh ban dih ia kane”.

“Sngewbha Boss ngam kwah shisha ban dih,” la ong u Ricky.

Haba ka Riti ka iohi ba u Ricky um treh dih bad ruh u Boss ula sdang kiew jingdom kumta kala kyrpad ia u Ricky ba un dih la ka dih tang kata shi klat. Kumta u Ricky jait ba la pynbor eh u la ong ha u Boss ba un dih la ka dih tang ka ta shi klat. “Nga ruh nga kwah ia phi ba phin dih tang kane hi,” kylliang ktien u Boss. Hadien shipor arpor ki nongtrei baroh kila ia poi bad da ka jingkmnen kila ia kdup ieit iwei ia iwei bad ruh ia u Boss kumjuh. Baroh kiba la wan ha kata ka jaka kila order la ka jong ka jong lait noh iwei ar eh ki kynthei hynrei baroh ki ia snoh kti lang bad ki shynrang ha ryngkat ki jingdih buaid. Hadien katto katne por ba ki la ia dep bam dep dih baroh. U Boss ula phah ban tem da ka CD khnang baroh kiba wan hangta kin ioh ban pynkhih iala ka met. Khatduh u Boss shuwa ba un rung sha kawei ka kamra uda ong ba ka jingia enjoy kan kut haduh 12.00 a.m bad ynda la dep nangta phi lah ban ia pyndon kam ia ki kamra, ba la pynkhreh ia ki ba kwah sah miet.

Katba ki sur jingtem ki nang iai sawa u Ricky pat marwei u shong halor ka miej kum uba la buaid eh, hamar hangta ka Riti kala wan bad ka la ong ia u Ricky, “balei phi shong marwei? Ale seh ngin ia shad lang,” kumta ruh u Ricky ula hiar naba shong halor ka miej bad ula sdang ban shad da kaba ia snoh kti lang bad ka. Katba nang miet ki jingrwai jingput ruh ki nang sngewbang ha kaba ki shijur kila nang pynskhem ia ka jingiashad. Dei ruh hangta ba u Ricky u la sngewlehraifn haba ka Riti ka bat skhem ia u ha ryngkat ka doh ka dait ia u. Kumta ka Riti kala kylli ia u ba u don katno ngut shipara. U Ricky u la jubab ba u don laingut shipara bad tang ma u u khun shynrang na baroh, uda iathuh ruh ba ki hynmen kynthei jong u baroh arngut kila don khun. Ka Riti ka tang shu ioh sngew ia ka jubab jong u kala kylli shuh ia u la ula don samla ne em.

U Ricky kum u briew uba sngewthuh ula jubab ba u don la ka samla ha kaba ula ia iaaid bad ka la kumba san snem ci ci.

“Ita i samla jong phi i sah haei?” Sdang bniah ka Riti.

“I Diana i samla baieit jong nga im don hangne hapoh sor shillong, hynrei i sah jngai nangne kabamut sha shnong.”

“Kamut phi don jingieit bha mo ia i?”

kwah tip shuh shuh ka Riti

“Hooiid nga ieit shisha ia i haduh mynta lada i dang ieit shisha ia nga” Jubab u Ricky. Mar syntied ka baje jong ka Hotel kum ka dak ban thiah noh ula wish ia ka Riti bad ia baroh kiba don hangta ba kin thiah suk. Hynrei ki paralok jong u kiba ia don lang hangta kim ailad ia u ba un leit thiah hi marwei hynrei kida ong ia u ba u hap ban leit lang sha karma ryngkat bad ka Riti. Watla u Ricky ula pynshai ha ki baroh ba um don jingiadei ei ei bad ka Riti. Hynrei baroh kiba don hangta kim ngeit ia u namar haba u don ha ophis u ju pynlut ia ka por lang bad ka Riti bad dei na kata ka daw kim ngeit watla da u Ricky u iathuh hok. Khatduh u Ricky um banse ban khot ia ka Riti sha ka juh ka karmra bad mar synrung ma ka u la khyrdep noh ia ka jingkhang, mar synkhang ia ka jingkhang ka Riti ka la law ia ki jaiñ la jong shuwa ban rung hapoh ka nep. Haba u Ricky u tang shu iohi ia ka ba law iala ki jaiñ ula phai da ka lyngkdong ia ka bad dei haduh ba kan da rung hapoh ka nep ba u sa phai da ka khmat ba ikhia sha ka. Pynban ka long ka jingeh ia u wat lada ula samthiah ruh hynrei ka long ka jinglehraiñ ia u ba un thiah lang hajuh bad ka kynthei shi sngi namar ka don tang kawei ka jingthiah. Ha kaba khatduh ula rung la ka rung ha ka juh ka nep ba kup ka Riti hynrei pat um nud ban kren ia ka Riti wat tang shi kyntien. Dei ka Riti kaba la sdang ban kren ia u ba u sa nud ban kren kylla ia ka. Hangta ka Riti ka la pynpaw ha u ba ka don jingieit shisha ia u hynrei u Ricky pat u la ong ia ka nga tip ba phi ieit ia nga kum u paralok ba jan jong phi namar phi la tip ba nga la don jingieit shawei.

“Em ngam ieit iaphi kum u paralok hynrei nga ieit ia phi Special.”

Pynphai ktien ka Riti.

“Kam lah ban long em kam lah ban long namar nga ieit ia phi kum i paralok.”

Jubab u Ricky.

“Phi tip hi Riti ba nga dang ieit shisha ia ka Diana haduh mynta wat lada nga khlem ioh lad shuh ban ia kynduh bad ka mynta la slem.” Khatduh ka Riti kala ieng nangta na ba thiah da ka jingmut ban pynngop ia u ne ban pynbor ia u ban ieit ia ka. Mar synieng nangta ka bta iala ka khmat da ka um bad ynda ka la dep fiad ka shong ha ka shuki kaba hajan ka jingthiah ryngkat ka khana khadeh bad u Ricky. Hynrei ki khmat ba kynja doh u Ricky ki peit jawdud ia ki lbong ba i skuiñ jong ka haba buh shilliang ka kjat ha jingthiah bad kawei pat shapoh artad ruh ka skirt ba ka phong ka long kaba jyndong. Dei hangta u Ricky ialade um lah shuh ban kiar ia ka jingkwah brai ka doh haba ka Riti ka kdup ia u ryngkat ka doh ka dait na ka rymmiang shyntur jong u. Khatduh ula doh kylla ia ka na ki rymmiang ba i skuiñ jong ka bad khlem poi pyrkhata ki la ia jam ia u mawpud ka jinglong sotti.

Khlem iohthiah baroh shimiet mar syn shai malu mala ula mih soit marwei nangta khlem da kren iano iano bad beit beit ula leit sha iing mar synpoi ha iing ula sum la sait bad u sa thiah pynaram ialade namar baroh shimiet u khlem iohthiah. Kumta baroh shi sngi ula shu shong ha iing bad ruh u khlem lah ban leit sha jingtrei namar ula sngew thait palat ka met. Haba u pylut ia ka por baroh shisngi ha iing ki jingmut jingpyrkhat jong u ki her sha ka Riti kaba ula ngop ha ka baroh shimiet u sngewrem halade haba um lah ban kiar na ka katno ka long ka pop kaba khraw ia u haba wat bad ka Diana ruh um pat ialait ula leh ki kam ja khlia. Marwei u pyrkhata khuslai ba ai u kan jia lada ka samla ba shida jong u kan tip ia u shaphang ki kam sniew kiba ula leh. Ha kawei pat ka liang u ngeit ba ka Diana kam pat donlad shawei bad ruh ka dang ieit ia u. I la ka sngi kaba bud ula

khreh ban leit trei hynrei u tang shu poi ha jingtrei u Boss ula phah khot ia u sha kamra. Mar synpoi ha jingkhang ula kren donburom ia uta u Officer.

“May I come in Sir?”

“Yes come in”, jubab u Bahdeng.

“What happened last night? Are you enjoy with your.....?” kylli u Boss.

“Yes Sir, I’m fine and I enjoyed a lot with her last night. Jubab pynstet u Ricky.

“What about yesterday and why you absent?”

Kylli biang u Boss.

“Sir, excuse me, I absent yesterday due to stomach problem.”

Sdang jubab thok u Ricky.

“So you can go, do your own work.”

Order u Boss.

“Thanks Sir” kylliang ktien u Ricky bad uda mih artad nangta na ka karma ophis u Boss beit beit ula leit sha ka table la jong ban pyndep ia la ki kam. Hamar hangta la wan rung ka Riti bad kaba kyrpad ia u ba un iarap ban pyndep ia ki kot jong ka kiba dang sah namar ka hap ban leit sha Hospital ba don ka kmie. “Balei phi leh kyrkieh phi mut ban leit shaei?” kylli u Ricky. “Nga mut ban leit sha Hospital ha Nazareth ba don i mei namar ba i pang.” Mar syndep jubab wut ka la mih nangta ban poi kham kloi sha Hospital. Hynrei u Ricky hagdeng ka jingeh u hap ban pyndep ia ka kamram la jong bad ruh ia ki kot ki sla jong ka de.

BYNTA – 5

Ha ka step kaba bud u Ricky dangstep ula khie naba thiah ula trei kam kham stet khnang ba un ioh ban leit sha Hospital ba don ka kmie ka Riti. Haba ula poi sha Hospital ula iaied ruma marwei marwei um tip ia ka ward aiu ba ka Riti lem bad ka kmie ki don. Khatduh ula shem ba ka jaka ba thiah ka kmie ka Riti ka don sha jrong, kumta ula leit ban rung ha kata ka kamra, mar synplie ia ka jingkhong u shem ba ym don briew mano mano wat ka Riti ruh kam don hangta. Hala marwei ula mutdur bad pyrkhat imat kam dei ka kamra ba ka kmie ka Riti ka thiah wut ula hiar biang sha poh ba un peit bha ia ka number ba ka kmie ka Riti ka thiah ynda ula peit bha u shem ba dei u juh u number ha kaba ula leit rung tangba ym don briew pat ha kata ka kamra. Sa shisien ula kiew biang shalor bad beit ula rung ha kata ka kamra bad haba ula plie ia ka jingkhong jong kata ka kamra u shem ba don tang iwei i longkmie kumta ula rung la ka rung bad ula kylli ia ita i longkmie.

“Kong! Dei maphi i Kong Rosa kmie i Riti?”

“Hooidei ma nga phi donkam aiu?”

Jubab bad kylli artad i Kong Rosa.

“Em nga shu kylli namar nga tip na i Riti i paralok ba ia trei lang bad nga bad i ong ba i mei i don sha hospital namar ba i pang.” I Kong Rosa ruh ila pynphai ktien shuh shuh ha kaba i ong ia u Ricky “Nga dei i kmie ka Riti nga wan hangne ba ngan phah chek-up ialade pynban ki doctor kila bat noh ia nga ba nga dei ban sah ar miet lai miet hangne ha hospital khnang ba ngan kham suk.”

“Phi pang kumno Kong?” Kylli u Ricky.

“La slem nga don ia kane ka jingpang tangba ngam pat tip shai ka jingpang aiu nga don namar ba ngam pat ioh ia ka Report.”

Pynphai ktien ka kong Rosa.

“I Riti pat shaei i leit?” Bniah u Ricky.

“I Riti, i dang leit thied dawai ia nga.”

Jubab i kong Rosa.

“Phi la kham sngew shait bha mo mynta?” Iai kylli u Ricky.

“Haba don ha kane ka jaka te sngewshait hi ynda la poi pat ha ñng la sdang biang.”

Jubab kyllaiñ i kong Rosa.

Katba baroh amgut hangta i kong Rosa bad u Ricky ki dang ia khana bad ka biria artat kynsan la wan mih i Riti bad mar syniohi ia u Ricky ka sngewkmen shi katdei haba ka iohi ba u ia khana bad ka kmie jong ka.

“Are! I Riti phi dang wan ne?” kylli u Ricky “Hooïd nga dang shu wan thied dawai ia i mei.”

Jubab ka Riti.

“Balei phi slem khun la katta. Ine i paralok jong phi lei naduh mynhynne i la poi.” Ban ktien ka kmie.

“Ngan leh kumno keiñ mei namar ba bun briew palat kumta nga hap ban shu ieng laiñ khnang ban ioh dawai na ka bynta jong phi.” Baroh lai ngut hangta ki la ia khana khadeh shaphang ki kam ki jam bad shaphang kane ka pyrtthei kaba la bun tang ki kam sniew. Ym slem ruh ka por ia u Ricky kala dei ba un leit noh namar ba u hap ba un leit trei. Kumta ula ieng naba shong bad uda ai sngewbha ia i kong Rosa da i kynja jingsong iba rit bad ruh ula kitbok ba in khlaiñ noh na ka jingshitom. Ka Riti ruh kala ieh iala ka kmie hangta ha kamra katba ialade ka leit buh ia u Ricky haduh surok bad ka sa wan phai sha kamra ba don ka kmie haba u Ricky ula leit. Ym slem ka kmie ka Riti i kong Rosa i la ioh ban mih na hospital bad ka Riti ruh manla ka sngi kam ju pep ban leit sha jingtrei. Dei ha kane ka por u Ricky ruh ula shim shuti shi taiew khnang ba un ioh leit sha shnong

ba don kiba ha ñng ha sem bad ka samla jong u ruh. Haba ula don sha shnong katno u sngew kmen halade ba u la ioh ban leit kai kylleng bad ruh u ju pynlut ia ka por ha kaba u pynkhuid ia ka ñng ka sem ryngkat bad ka Risha ka hynmen nyngkong jong u. Ha kawei ka sngi u la leit ban ia kynduh ia ka Diana bad u kyrmen ba ynda ula ia kynduh ia ka un sa iathuh pat ha ñng ia ka jingiadei jong u bad ka Diana. Ka ruh tang shu iohi ia u Ricky ka jaw ki ummat jingkmén, trait ka kdup ia u kum ka bym lah shah shuh ia kiei kiei baroh. Hangta u Ricky ula kylli ia ka Diana.

“Balei ieit phi jaw ummat haduh katne?”

“Nga jaw ummat namar ba nga ieit iaphi bad ruh ba nga sngew tmang haba phi don jngai na nga bunsien ruh nga ju pyrkhat ba kumno phi long haba phi don jngai na nga, ioh lehse ki kam bad ki jingleh jong phi ki pynsngewsih ia nga haba phi don sha jngai. Hynrei watla katta nga buhti ia lade ha ki jingduwai ba U Blei un pyllait na kiei kiei ki jingsniew haba phi don jngai na nga.” Jubab lung mynsiem i Diana.

Mar synkren maka ia kita ki kyntien u Ricky u jaw ummat brup la kum u slap ha ka por ba rang haba u kynmaw ia ki kam kiba ula leh hapoh hotel ryngkat bad ka Riti.

“Diana baieit wat nym iam wat nym khuslai. Ia ka jingieit ba phi ai ngan iai tyngkai bad ruh nga kwah ban ong ia phi ba ható i mei jong phi ila tip ne em ia ka jingiadei jong nga bad phi.?”

“Ricky baieit i Mei i pa kim pat tip haduh mynta ba nga ia ia bad phi hynrei nga kwah ban iathuh ha ki ia ka jingshisha baroh khnang ba ngan ioh ia ka jubab ne jingpynshai na ki.” “Kaba dei Diana kata,” kynrup ktien u Ricky. “Nga ruh nga mut kumta hi kumba mut maphi ba ngan pyntip hala i mei i pa khnang ba ngin ia poi kha da ka jingtip kiba ha ñng.” Kumne baroh arngut tang da ki ktien jingieit ban pynskhem iala ka jingieit kaba kila tyngkai la slem. Shuwa ba un leit u Ricky ula ong iaka Diana ba kadei ban pyndep iala ki kam

baroh bad ma u ruh kumjuh bad kin sa ia kynduh pat la shi sngi ha ka por 6.30 janmiet. Mar synpoi ha ñng ka Diana beit beit ka la rung sha kamra thiah ki kmie ki kpa. Haba u kpa ula iohi ia ka Diana ba ka i pisa lynga ula ieng naba shong bad ula leit sha jan jong ka ban ia lam ia ka sha jan ka kmie, ka kmie ka tang shu iohi iala ka jong ka khun, ka la kylli ia ka.

“Balei khun phi i lynga bad balei phi wan slem sha ñng phim tip ka por mynta ka la dap 7.30 p.m. Ngam kwah ia phi Diana ba kum ka riew kynthei phin shang makia ne ia id miet namar lada kin iohi ki bnriew ki sa kynshi bad kin sa kren beifi ia la ka long rynieng jong phi.” “Hooi! Mei nga tip ia kata” Pynphai ktien ka Diana. “Nga wan slem sha ñng mynta ka miet namar ba nga wan ia kynduh ia u Ricky bad ruh nga kwah ban iathuh ha phi Mei ha phi Pa ba nga don jingmut shisha ia u Ricky namar la slem nga la ia ia id bad u bad ruh nga la rai halade ba ngan ia poi kha bad u bad ba u klo i ruh ban shimti ia nga.”

“Phi pyrkhath kumno Mei pa shaphang kane ka kam jong nga,?” kylli ka Diana.

“Khun,” pynphai ktien u kpa. “Nga kwah ba u briew uba phi ieit un ia ryngkat bad ka ñng ka sem jong ngi. Hooi nga tip ka por ka la dei hi ia phi namar ki para jong phi ki la don la ka jong ka ñng.” Kynsan ka kmie ka ieng naba thiah bad kala ong ia ka Diana.

“Diana ngam treh bad ngam suk shisha ia uta u Ricky u samla jong pha namar na ñng jong u ki long ki bym biang.” Kren khor ka kmie.

Ka Diana ka tang shu ioh sngew ia ki ktien kiba mih nala ka kmie ka jaw ki ummat bad kala kyrpad ia la ka kmie ba ka ieit shisha ia u bad ka hun ka suk bad u shi junom lada u long uba kumno kumno ruh.

“Pha la nang mo ban ai nia pyrshah ia ki kmie ki kpa?”
Byrthen u kpa.

“Lada pham ngeit ia ngi kiba la ri la sunar ia pha ka jingim jong pha, kan sa long lyngkrang shi lynter haduh ba kut na kane ka pyrthei.” Ong ka Kmie.

Ka Diana ha kawei ka liang ka sngew ia hap ia ka jingong jong ki hynrei kam lah shah namar ka jingieit ia u Ricky- ym don ba lah mano mano ban sakhi. Khatduh ka kmie ka la ieng bad ka la ong ia ka ba kan phah wan ia u Ricky markhmat ban ia kren hi bad ruh ba ki kwah ban ai hi ia ka jubab ha u.

U Ricky kumba long em ka Diana u la pynpaw hala ka kmie u kpa ba u don ka jingieit ia ka Diana bad ba u kloï ban ia poi kha bad ka. Ka kmie u kpa lem bad ka hynmen jong u ka Risha ki sneng ki khraw ia u wat la ula dei ka por hynrei u dei ban peit da ka brieve kaba u i hun hi la ka jong ka khmat bad ki kloï ban pdiang ia ka jing pynshai jong u ban ia poi kha bad ka Diana.

Ka Diana ruh ka la thoh shithi sha u Ricky kumba la bthah ka kmie bad kada kyrpad ia u ba un wan khnang khnang ha ka sngi kaba bud sha ñng jong ka namar kam lah ban ia kynduh special bad u. Hadien kumba saw ne san kynta ha ka juh hi ka sngi ka shithi kala poi sha u Ricky bad u tang shu plied ban pule ia kata ka shithi u shem ba ka Diana kala iathuh hala ki kmie ki kpa ba ka don ka jingiadei bad u namar ka kmie ka kwah ban ia kynduh hi da lade. U tang shu dep pule ia kata ka shithi ula rung sha kamra ba don ka kmie lem bad u kpa ban pynpaw ha ki ba u hap ban leit sha ñng jong ka Diana ha ka sngi kaba bud namar ba i kmie jong ka Diana i kwah ban ia shem bad u kumta ula kyrpad ia ka kmie bad ia u kpa ba kin sngewbha ban ia leit lang bad u ha ñng jong ka Diana.

BYNTA – 6

Ka sngi kala poi ia u Ricky ba u hap ban leit sha ñng jong ka Diana. Kumta ruh u Ricky lem bad ki kmie ki kpa na la ñng ki la mih bad ki tang shu poi ha ñng jong ka Diana. U Ricky u la press ia ka bell ñng jong ka. Mar kumta ka Diana kala leit ban plie ia kata ka ñng ryngkat ka dur khmat kaba i khia. Ka tang shu iohi ia u Ricky lem bad ka kmie u kpa kala dap da ka jinglyngngoh haba ki kloï ban wan ban synran ia la u khun na ka bynta jong ka. Kumta kala phah rung ia ki ha kamra shongkai katba ialade pat ka la leit ban khot ia ka kmie bad ia u kpa. Ka kmie lem bad u kpa jong ka ki tang shu tip ba u Ricky lem bad kiba ha ñng jong u kila poi, maki ruh kila leit ban rung lang ha kata ka kamra bad ki tang shu poi ha kata ka kamra shongkai baroh, u Ricky lem bad ka Diana kila phla ha khmat jong ki iala ki jingsngew iwei ia iwei. Khatduh u Ricky u la ong ha ki kmie ki kpa jong u bad ha ki kmie ki kpa jong ka Diana ba u kloï ban shimti ia ka lada arliang mamla ki hun bad ki suk. Kumta ka kmie jong ka Diana ka la ong ia u bad ka kmie u kpa jong u ba ka tip shisha ba ma u, u ieit shisha ia ka Diana hynrei na ka liang jong ki kim lah pat ban pdiang ia ka rai jong ki amgut namar na ki daw ki bym lah kiar. Ka Daina ruh kam lah ban ong wat tang shi kyntien haba ka iohsngew ba ka kmie kam suk ia ka ban ia poi kha bad u Ricky- u Ricky ruh u shu i klumar jingmut ha kata ka khyllipmat bad khatduh ula ong ha khmat jong ki ba u ieit shisha ia ka Diana tangba um lah ban shimti ia ka namar haba arliang mamla ym don ka jingsuk. Ka kmie u Ricky ruh ka la ong ia ka Diana ba kan nym sngewsih ne khuslai ia kaei kaba la jia hynrei ka lynti ia ka, ka dang bun namar ha kum kine ki por bun kî dieng pyngkiang kat shaba iaid.

Shuwa ban leit ne mih noh na ñng jong ka Diana u kpa jong u Ricky ula sneng ia ka Diana ba ka dei ban ia leh ban klet noh ia kaei ka ba la dep bad ba ka dei ban jied da ka lynti kaba thymmai khnang ba ka mynsiem bad ki jingmut jingpyrkhat kin hun bad kin jah noh.

Tang shu poi ha ñng u Ricky um lah ban mutdur ia kaei kaba la jia bad u kwah ruh ban tip ia ka daw ba balei kim hun kim suk ia u ban ia poi kha bad ka Diana. Bunsien haba u ju iai pyrkhat ki ummat kthang ruh na u ki iai tuid ha ryngkat ki jingsngewsih bad jingklusai kiba ban ia u, haba u don marwei u ju kynmaw ia ki por bala leit haba u dang ia don ryngkat bad ka Diana bad u sheptieng ruh ba aiu kan jia ia ka haba ki kmie ki kpa jong ka kim suk. Sa arsngei ka por ka la dei ia u ba u hap ban leit noh sha Shillong ban bteng iala ka jong ka kam ha ryngkat ki jingsngewsih. Ka Diana ka tang shu tip ba u Ricky ula dei ka por ba u hap ban leit noh sha Shillong. Kumta ka la rai halade ba kan leit sha ñng u Ricky khnang ba ka lah ban ia kynduh ia u markhmat. Shisngi shuwa ba un leit ka Diana ka leit mih sha ñng u Ricky bad ka tang shu poi la Pdiang sngewbha ia ka shapoh ñng da ka Risha ka hynmen jong u. u Ricky u tang shu tip ba ka Diana ka don ha kamra jong u marwei. Kumta mar mar ula leit hajan jong ka ban ai ki kyntien pynhun bad ki kyntien ai mynsiem ia ka. Ka Diana ka tang shu iohi ia u Ricky ka jaw ummat kthang bad ka kdup artad ia u hangta.

“Diana ngam shym poi pyrkhat ba ka jingieit jong nga ia phi kan dkut noh tang na ka bynta i mei i pa jong phi. Halade marwei nga sngew la kum u bieji bad ngam lah shuh hangno ban rai ia la ka jingieit ba janai.”

“Ricky, hooid nga ieit shisha ia phi haduh mynta bad nga tip ba na ñng kim suk ia nga ban ia poi kha bad phi bad dei na kata ka daw ka sa wan jia ia ngi kumne. Nga ruh naduh mynta ngam lah shuh ban pynshong nongrim ia ka jingim la jong bad ngam tip kaei ka ban sa jia ia nga lada nga duh ia phi.”

“Diana nga ruh nga dang ieit ia phi hynrei ngam kwah pat ba phin jot phin sniew tang na ka daw jong nga.”

“Hato phi lah ne em Ricky ban shimti ia nga haba phi ieit ia nga watla na ñng ia nga kim suk.?”

“Ngam lah ban ong hakhmat jong phi la nga lah ne ngam lah namar lada ong ba nga lah kan long pat ka jinglehbor ne rahbor ha khmat kiba ha ñng jong phi bad kan long ruh ka jinglehraiñ ha khmat ka pyrthei, lada nga ong ngam lah, ka long pat ka jinglehbeiñ ne ka jingichbeiñ ia phi bad ka jingbymbat iala ki kular ne kheiñ kor ia ki, dei na kata ngam lah ban rai ne ban ong ba nga lah ne ngam lah. Diana watla nga dang bynnud shisha ia phi haduh mynta hynrei ngam lah leh ciei haba ki dieng pyngkianh ki khang bad ki wan ban rong noh ia ka jingieit jong nga ia phi. Kyntien khatduh ngan ai iaphi mynta shuwa ba ngan leit sha Shillong ka long ba phin im suk im saiñ ha ka lynti kaba phi iaid bad to pyrshang ban klet noh ia kiei kiei kiba pynsngewsih ia phi.

Ka Diana ruh hapdeng ka jingjaw ummat kala ong ha u ba kam lah ban klet noh haduh ba kut ka jingim bad ka kyrmen skhem ruh ba un iaid ha ka lynti kaba beit bad ba itynnad watla kim lah ban ia shem shuh.

Marsyndep kren ia kine ki kyntien ka Diana kala mih noh na ñng jong u bad u Ricky ruh ula leit buh ia ka haduh surok kum ka dak ka jingsngewlem.

Ha ka sngi kaba bud dangstep u Ricky ula mih nala ñng da ka mynsiem kaba i khia. Hapoh kali ba u shong ki jingmut ki jingpyrkhat jong u ki her tang sha ka Diana ka ba icit jong u ha kaba u tip ba um lah shuh ban ioh kum maka. Katba marwei u dang shong pyrkhat shaphang jong ka Diana khlem lap ba ioh sngew ka kali ba u shong kala poi ha iewduh. Mar synhiar na ka kali beit beit ki kjat jong u ki thew sha ophis. Ynda u la poi ha ophis baroh ki para ba trei lang kila i lyngngoh ia ka jinglong jong u khamtam lei lei ka Riti ka la shu peit beit ia u namar ba nalar u ju pariah ia baroh hynrei ha kata ka sngi u Ricky um i smat ban kren briew iano iano. Kumta ka Riti ka tang shu iohi ia ka jingipher ha ka dur khmat jong u kala leit sha jan jong u bad kala kylli bniah ba na kaci ka daw ba u i shitom bad

i khuslai. U Ricky ruh ula jubab da kaba shu thok ba u sngew pang ka met na kata ka daw um sngew kwah ban kren iano iano.

Watla u don hapteng ka jingsngewsih bad khuslai hynrei um ju pep pat ban leit sha jingtrei. suki suki ki khmat ba i tlot jong u kila sdang shai bad ka dur khmat jong u ruh kala i phuh khamtam lei lei haba ula sdang ban pariah iala ki paralok hynrei ka dohnod jong u pat ka pisa lynga bad u soh khliang ka jingmong u dang iai sah ha u . Dei kane ka jingpariah jong u kaba la pynlong ia ka Riti ba kan dap da ka jingsngewkmen haba ula kham koit na ka jingshitom hynrei kam tip pat ia ka daw tynrai. Bunsien ka Riti ka leh jan bad ka leh iet bha hynrei u Ricky um leh salia ia ka namar u tip ba um lah shuh tawo iano ba un iet ne ban don ryngkat bad u lait noh sa tang ki hynmen jong u lem bad ki knie ki kpa jong u . Watla u Ricky u ia leh katba lah ban jngai na ka maka pat namar ba ka don jingiet palat ia u kam salia ban tur shajan jong u

Bunsien ki jingmut jingpyrkhat u Ricky ki her bert tang sho ka Diana wat la ula tikna ba um lah shun ba un ioh pat ia ka sa shisien. Halade um sngew kwah shuh ban leh ia kano kano lo kam bad ruh um sngewkwah shuh ban m ha ka pyrkhei. pynban watla u rai pyrkhat shaphang kita kiei kiei kiba wan jia bad u long ha ka jingim la jong kin sa jah noh la da ka jingtip briew bad ka jingskhem ka dang shong ha u.

Ka Diana ruh naduh ba u Ricky ula mih na shmong bad ba kam lah shuh ban sopspaiñ ia ka dohnud ba la mong jong u. Bunsien ka ju pyrkhat badei na ka bynta jong ka ba u Ricky u sa sngewsih bad khuslai bad bunsien ruh ka ju pyrkhat ba aiu kan jia ia ka jingim u Ricky hadien habud. Hynrei watla kam lah ban iashem bad u Ricky ha ka juh ka lynti pynban bunsien ka ju buhti ialade ha ki jingduwai ba u Trai kynrad un btin lynti bad ban pynjanai ia u Ricky ha ki lynti iaid ne ha ki kam kiba u trei.

Ki sngi ki snem ki ia id stet na kawei ka samoi sha kawei pat, ka Riti ruh namar ba ka shoh jingieit palat ia u Ricky, kumta ha kawei ka sngi ka la phah wan kai ia u Ricky sha ñng namar ba ka kmie jong ka lem bad ka kin don beit baroh shisngi ha kata ka sngi. U Ricky ruh kum u briew ula kular ba un sa wan sha ñng jong ka ha kata ka sngi, mar synwai trei wut u Ricky beit beit ula mih na jingtrei khnang ba un poi kloï sha ñng ban sum ban sait bad ban ioh shet ioh tiaw, ynda ula poi ha ñng ula ialeh ban pyndep ia ki kam kiba u thmu. Khatduh ynda ula dep baroh ki kam ula rung noh sha kamra thiah ban pynaram ia ka met. Haba u don halor jingthiah ki jingmut jingpyrkhat jong u ki her sha ka Riti bad u sngew lyngngoh ba balei bad na kaei ka daw ka Riti ka phah wan sha ñng. Kumne marwei ha palong u pyrkhat pynleit jingmut ia ki kyntien jong ka Riti tad haduh ba un da ioh thiah syndon.

Ka sngi ban leit sha ñng ka Riti kala poi u Ricky ruh ula khreh, la khrum ba un ioh leit dang step sha ñng jong ka namar ka dei artad ka sngi shuti khnang ba un ioh leit sha iew ban leit siew leit thied. U tang shu poi ha phyllaw ñng ka Riti ula press ia ka bell ñng bad hamar hangta ka Riti kala plie ia ka jingkhang bad ka tang shu iohi ia u Ricky ka la dap da ka jingkmien ba u la pyllait por khnang ban wan sha ñng jong ka bad ruh ula poi dang kham step. Kumta ka Riti ka la pynrung ia u Ricky sha kamra shongkai bad ka da pyrta artad iala ka kmie ban pyntip ba u Ricky ula poi. Ka kmie jong ka tang shu tip ba u Ricky ula poi ka la leit ban ia shong kai lang bad u hangta ha kamra. Baroh lai ngut u Ricky ka Riti lem bad ka kmie jong ka Riti ki ia kren ia khana shaphang ki kam ñng kam sem.

Ka kmie ka Riti kala kylli ia u Ricky la u la don briew ne em.

U Ricky ruh ula jubab hok ba u dang long marwei haduh mynta.

“Ka por kala dei ia phi ban shong ñng briew”. Ong ka kmie ka Riti.

“Ka por ka la dei hi ia nga tangba ngan leh kumno keifñ haba nga laduh noh ia ka jingsngewbha bad jingsngewtynnad ha ka por ba ngam poi pyrkhath,” jubab khia u Ricky.

“Phi mut kumno kumta”? Kylli shuh ka kmie ka Riti.

“Ka long kumne keifñ mei, naduh ba nga dang sdang iaic samla nga la jied hok ia ka briew ka ban iaineh bad nga shi junom hynrei dang ha kine ki khyndiat bnai pat nga shem ba ki jingmut skhem jong nga ki long pynban ki bym ia hap ne urlong bad ka jingmut jong nga Dei na kane ka daw ba nga sa ong ha phi ba nga la duh noh ia ki jingsngewbha bad jingsngewtynnad.”

“Ka mut phi la ia iaic samla teng mynshuwa”?

Bniah ka kmie ka Riti.

“Hooic nga la ia iaic tang bad ka Diana ka samla baieit thep mynsiem jong nga hynrei shiteng por ma i bad manga ruh kumjuh ngi hap ban ia jngai iwei na iwei tang na ka daw ba ki ba ha ñng ka Diana kim suk ia nga ban ia poi bad ka. Mynta nga sngewthuh watla nga la duh ia ka Diana hynrei ka mynsiem bad ki khmat jong nga kim kwah shuh ba ngan jied da kawei ka lynti wat la nga tip ba ngam ioh shuh da lei lei ia ka Diana hynrei ka mynsiem jong nga ka dang kyndch ia ka.”

“Keifñ noh Ricky kaba la leit ka la leit bad kam lah ban wan phai shuh hynrei phi dei ban pyrkhath ban jied da ka lynti kaba thymmai khnang ba ka mynsiem kan suk shi junom.”

Iai ai mynsiem ka kmie ka Riti.

Ka Riti kaba la shu sngap ia ka jingia kren ka kmie bad u Ricky kam sngew lah shah shuh ha ba ka iohi lei ba u Ricky u don hapdeng ka jing sngewsih haba u kren ia ki kyntien kiba iadei bad ka Diana.

Khatduh ka Riti kala ong ia u Ricky ba ka la tip mynta ia kiei kiei baroh kiba la jia ha ka jingim. Kumta ka Riti ka la kylli ia u Ricky, “Hato phi dang lah ne em ban jied ia ka lynti ka jingsuk lada don mano mano ba kloï ban wan shaphi.”

“Ia kata ngam lah ban rai mynta mynta namar ba ka mynsiem bad ka dohnud jong nga ka dang kthang haba nga ju kynmaw ia kiei kiei kiba la dep jia.”

“Nga tip ia kita baroh kiba jia ha ka jingim jong phi hynrei phi pat phim tip ia ka jingmut ba jngai jong nga,” sdang wohnia ka Riti.

“Ngan leit tip shano ia ka jingmut jong phi haba ia lade nga dang bakla.” Kylliang ktien u Ricky.

“Peit shane Ricky?” Ong ka Riti.

“Nga tip ba phim lah ban tip ia ka jingmut jong nga bad i mei jong nga ruh im lah ban tip hynrei nga halade nga tip bad nga sngewsynei ia phi haba ka wan jia ha ka jingim jong phi. Ricky ha khmat i mei bad ha khmat jong phi ngan iathuh mynta ba naduh ka sien ba nyngkong ba nga iohi ia phi ha jingtrei ka mynsiem ka jong nga ka kyndeh bad ki jingmut jingpyrkhat jong nga ka her beit tang sha phi watla nga tip ba phi dang ia ieit bad ka Diana, pynban kum ka riewkynthei nga hap ban shu sngap lada nga don jingmut shisha ia phi artad ruh haba phi dang ia iaïd bad ka Diana. Hynrei mynta nga la tip shai na phi ba phim don jingiadei ei ei shuh bad ka Diana te kumta nga tyrwa ha khmat jong phi mynta ba nga ieit palat ia phi bad nga kwah ruh ba ngan long ibaieit jong phi haduh ka ba kut bad ruh ki jingsngewsih kin sa jah noh na phi lada phi pdiang ia nga ba ngan long i nongpyntngen jong phi. Ricky nga kwah ba mynta mar khmat ba phin sngewbha ban ai ka jubab haba nga don lang bad i mei.”

“Riti peit shane,” sdang kren bun jingmut u Ricky, “iaphi bad hakhmat i mei jong phi ngam sngewlah ban ai ka jubab namar ki

jingialeh jong ka jingsngewsih ki dang iai ban ia nga, Riti kyntien khatduh ngan phla ha phi mynta ba da lei lei ngam lah ban pdiang ia phi mynta kum i baieit jong nga hynrei ngam lah pat ban klet ia ka jingbha jong phi ha ki liang baroh. Kumta nga ong ha phi mynta ba ngam lah ban ieit iaphi kum i kut shadem hynrei ngan ieit bad ngan jied ia phi kum i best friend. Riti wat sngewsih wat khuslai ia ka jingieit hangno hangno ngam lah ban rai.”

Ka Riti ka tang shu ioh sngew ia ki kyntien kiba mih na u Ricky ka jaw ki ummat kthang bad ka sngew halade ba ka long kum ka briew kaba la duh ia ka jingsuk bad ka jingieit baroh.

Shitaiew ka jingleit kai u Ricky sha ñng ka Riti kala dap. Bunsien u ju ia kynduh ia ka ha jingtrei um ju pynpaw ha ka ia ka mynsiem sarong pynban u kren pariah ia ka la kum ka paralok ba shisha hynrei ka Riti kaba dap da ka jingsngewsih bad kum ka riew kynthei ka dap da ka jinglehraifi, kam ju pariah than ia u naduh ba ula rai ba um lah ban ieid ia ka. Katno ka long ka jingban kaba khia ia ka kmie haba ka iohi ia la ka khun ba ka dap tang da ki jingsngewsih bad khuslai . Ka Riti ruh halade kam lah ban klet noh ia u Ricky hynrei ka kwah ba u Ricky un wan phai sha ka, bunsien ki jingpyrkhat bie j jong ka ki iai pynsngewsih shuh shuh ia ka, kam lah ban dang kwah im ha kane ka pyrthei bad ruh ka buh jingkyllh halade, “ba hangno ngan rai ia ka jingieit ba nga la tyngkai kaba sha u Ricky nga mut ban ai hynrei ma u ia nga um lah ban rai bad um kwah ruh ba ka jingsuk kan wan phai da lynti kaba thymmai.”

U Ricky ruh um sngewlah ban im namar ki jingsngewsih ki dang iai ban ia u bad khamtam haba um lah ban pynhun ia ka Riti ka paralok ba jan jong u, teng teng haba u poi sha ñng ka Aiti bad sha shnong ruh kumjuh baroh na ñng ki isynei iala u khun bad iala u para haba ka dur khmat jong u ka dap da ka jingsngewsih bad i kumba yn ym don ba lah ban pynkhuid ia ka khmat jong u lait noh sa tang ka Diana bad ka jingiap kaba lah ban leh ia kita kiei kiei kiba wan jia ha ka jingim jong u.

Khatduh u Ricky ula rai halade ba um lah ban klet ia ka Diana bad ruh um lah ban klet ia ka Riti ka paralok kaba ieit shisha ia u, bunsien u juh ong ha la marwei '*Hangno ngan rai ia ka jingieit ba Janai*,' wat la ki jingmut jingpyrkhat ki ban ia u hynrei u kut jingmut ba un shong marwei haduh ka sngi jingiap haba na ñng ka Diana kim suk ia u bad khamtam lei ha kaba u la pynsngewsih ia ka Riti. Tad haduh ki sngi jinglong tymmen bad wat la ka met ka la noh hynrei u Ricky u dang sah ki jingkynmaw ia la ka baieit kaba la duh noh tang shipor bad ruh ia ka Riti ka paralok jong u kaba um lah ban pdiang ia ki jingkyrpad jong ka.

Suki suki ki snem ki nangiaid na kawei ka por sha kawei pat, ka jinglong tymmen u Ricky ruh kala nang noh tad haduh ba ka jingiap ka la wan shaw ia u hapteng ka met ka bym da koit da khiah bad kaba dap da ki jingsngewsih ha kata ka khyllipmat. Ka jingiap jong u Ricky kala pynsngewsih kthang ia kiba ha ñng ha sem baroh bad ia ki para shnong para thaw ha kaba ka jingiap ka la wan rong noh ia u hapteng ki jingsahnud jong ka jingbym lah ban rai.

LA KUT .



